

豫章叢書

第五冊

咸賓錄卷七

明 南昌 羅日裴 尚之 著

南夷志

南中諸夷

南中古梁州徼外之地西南雜夷居之大抵漢之滇
濮哀牢鈞町諸國益州永昌諸郡唐宋之南詔大理
皆其地也漢時夜郎之西靡莫之屬滇最大始楚頃
襄王使將軍莊蹻將兵循江上略巴黔以西蹻至滇
地方三百里旁平地肥饒數千里以兵威定屬楚欲
歸報會秦擊楚巴黔中郡道塞不通因而以其衆王

滇變服從其俗以長之至武帝時遣使王然于相始
昌呂越人等十餘輩間出西南夷指求身毒國至滇
滇王嘗羌迺留爲求道西歲餘皆閉昆明莫能通滇
王與漢使言漢孰與我大及夜郎侯亦然各自以一
州王不知漢廣大使者還因盛言滇大國足使親附
武帝注意焉及南越破因使王然干以粵破及誅南
夷兵威風諭滇王入朝滇王者其衆數萬人其旁東
北勞侵靡莫皆同姓相扶未肯聽勞莫數侵犯使者
吏卒元封初漢發巴蜀兵擊滅勞莫以兵臨滇
滇王舉國降請置吏入朝於是以爲益州郡更割數

縣地賜滇王王印世長其民後王莽篡位改漢制貶
鉤町王爲侯蠻夷盡叛莽遣將馮茂復遣將廉丹大
發兵數十萬人擊之俱才能尅而還後漢初遣使朝
謁頃之夷渠帥棟蠡與姑復葉榆拊棟連然滇池建
伶昆剛諸種反叛殺長吏漢遣將劉尚等擊破之諸
夷悉平至蜀後主時益州大姓雍闓殺太守正昂更
以蜀郡張裔爲太守闓假鬼教曰張裔府君如瓠壺
外雖澤而內實粗殺之不可令縛與吳於是執送裔
於吳吳王孫權遙用闓爲永昌太守諸葛亮以初遭
大喪未便加兵迺以都護李嚴書曉諭闓闓答曰愚

聞天無二日土無二主今天下瓜分正朔有三遠人
惶惑不知所歸其傲慢如此闔使建寧孟獲說夷吏
曰官欲得烏狗三百頭磨前盡黑蠟腦三斗斫木構
三丈者三千枚汝能得不夷以爲然皆從闔斫木堅
剛性委曲高不至二丈故獲以欺夷頃之高定元部
曲殺雍闓及士庶等孟獲代闓爲主亮既斬定元而
馬忠破牂牁李恢敗於南中亮遂渡瀘進征益州生
虜孟獲置軍中問曰我軍如何獲對曰恨不相知公
易勝耳亮以方務在北而南中好叛亂宜窮其詐乃
赦獲使還合軍更戰凡七虜七赦獲等心服夷漢亦

思反善亮復問獲獲對曰明公天威也邊民長不爲
惡矣遂平益州永昌越雋牂牁四郡而改益州爲建
寧郡分建寧越雋置雲南郡又分建寧牂牁置興古
郡皆卽其渠率而用之或以諫亮亮曰若留外人卽
留兵兵留卽無食一不易也夷新傷破父兄死喪留
外人而無兵者必成禍患二不易也又吏累有廢殺
之罪自嫌覺重若留外人終不相信三不易也今欲
使汝不留兵不運糧而綱紀遂定夷漢相安故耳自
亮定孟獲之後夷人效順者數十年至晉初因蜀郡
名後兼置寧州時南中之地或爲晉有或入蠻夷或

爲李雄所據其廢置固無常云五季以後盡爲南詔

所據南詔者本哀牢九龍之裔烏蠻別種也

九隆事詳見金

齒考

九隆死其後族類滋長散居谿谷分爲九十九

種其酋長有六各號爲詔夷語王也曰蒙舍詔

今蒙化府

曰浪施詔

今浪穹縣

曰鄧賧詔

今鄧州

曰施浪詔

今浪穹縣蒙大和地

曰麼些詔

今鶴慶麗江地

曰蒙雋詔

今建昌地

兵將不能相君長

至漢時九隆八族弟四世孫名仁果者強大居昆彌

川傳十七世至龍祐那從諸葛亮征益州蠻斬雍闓

有功封爲酋長賜姓張氏諸夷慕武侯之德漸去山

林徙居平地建城邑務農桑諸部於是始有姓氏龍

祐那之十六世孫曰張樂進遜位於蒙氏其時蓋唐
初也張氏或稱昆彌國或稱白國或稱建寧國其年
系莫可推詳蒙氏始興曰細奴羅九隆五族牢苴篤
之三十六世孫也耕於巍山之麓數有神異孳牧繁
息部衆日盛代張氏立國在諸部南故號南詔實唐
貞觀三年至高宗時遣子入侍授巍州刺史死子羅
晟嗣死子晟羅皮嗣死子皮羅閣嗣逐河蠻取太和
城又襲太釐城居之唐玄宗賜皮羅閣名歸義當是
時五詔微弱歸義獨強乃因仲夏祭先之期特建一
樓以會五詔宴醉後歸義佯下樓擊鼓舉火焚樓五

詔遂滅

上所載與唐書大異可以互考

更賂劍南節度使王炅求合

五詔爲一許之於是盡有雲南之地寢以驕大入朝

天子亦爲加禮又以破洱蠻功馳遣中人冊爲雲南

王賜錦袍金鈿帶七事歸義乃卜太和左洱水右點

蒼山山海之交結於子午遂築太和城

今大理太和縣

自蒙

舍徙居之立上下二關曰龍首曰龍尾連陷遼川永

昌石鼓沙追賧龍佉賧

夷人謂州爲賧

更僭封五嶽四瀆并

立祠三皇廟春秋致祭以點蒼山爲中嶽雲龍山爲

東嶽

在今祿勸州

蒙樂山爲南嶽

在今樂甸

高黎共山爲西嶽

在今騰衝

玉龍山爲北嶽

在今麗江

以黑惠江闌倉江潞江麗

江爲四瀆官號制度悉慕中國仍遣孫鳳伽異入朝
唐授以鴻臚少卿妻以宗女賜樂一部南詔於是始
有中國之樂皮羅閣死子閣羅鳳嗣時當天寶八年
也會劍南節度使鮮于仲通忿戾少方略故事南詔
常與妻子謁都督過雲南太守張虔陀私之多所求
丐閣羅鳳怨恨遂發兵反攻殺虔陀取姚州及小夷
州凡二十二仲通怒發兵親征進薄白崖城大敗引
還閣羅鳳歛戰鬻策京觀臣事吐蕃吐蕃以爲弟夷
謂弟爲鍾故稱贊普鍾云已而閣羅鳳自稱東帝揭
碑國門明不得已而叛嘗曰我上世世奉中國累封

實後嗣容歸之若唐使至可指碑澡祓吾罪也及楊
國忠爲劍南節度使調兵十萬使李宓討之大敗死
者十八會安祿山反天下多事閻羅鳳因之取嶺州
會同軍據清溪關破越折而降尋傳驃諸國尋傳蠻
者俗無絲繡跣履榛棘不苦也射豬生食其肉戰以
竹籠頭如兜鍪然驃蠻者夷人自謂突羅朱闍婆人
謂之徒里拙俗重佛輕刑好生惡殺不衣繒帛云出
於蠶恐傷生也大厯中閻羅鳳死其子鳳迎異先亡
遂立孫異牟尋嗣王異牟尋有智略善撫衆故合吐
蕃入寇德宗大發兵討之異牟尋兵稍却懼徙羊苴

咩城

亦在大
理府

築濠十五里吐蕃封爲日東王然吐蕃

貢賦數異牟尋苦之有清平官鄭回者其初唐西瀘
令也爲其所虜遂仕焉回說異牟尋歸附中國異牟
尋善之故謀內附然亦未敢發也時節度使韋臯撫
諸蠻有威惠乃遣書異牟尋遂決策請降德
宗嘉之賜以詔書異牟尋乃殺吐蕃使迎唐使遣其
臣隨使者入朝頃之襲破吐蕃獲其五王遣使入獻
地圖方物唐遣使袁滋持節冊異牟尋爲南詔王滋
至異牟尋迎使拜詔甚恭出銀平脫馬頭盤二示滋
曰此天寶時先君鳳迎異宿衛皇帝時所賜也有笛

工歌女頭皆垂白示滋曰此先君歸國時皇帝賜胡
部龜茲音聲二列今喪亡殆盡惟此二人存爾復遣
清平官尹輔首等入謝獻鐸鞘浪劍鬱刀生金瑟瑟
半黃琥珀氎紡絲象犀越毼統倫馬鐸鞘者狀如殘
刃飾以金擊無不洞夷人珍重月以血祭之浪劍鬱
刀者鐸時以毒藥并治取迎躍如星者凡十年乃成
以金犀飾鐸首傷人卽死浪人所鑄故亦名浪劍王
佩之七世皆奇物也頃之異牟尋復攻吐蕃取昆明
城漢滇池也卽今雲南省城以食鹽池又破施蠻順蠻芒蠻掠弄
棟蠻漢裳蠻其勢浸大是時章舉攻吐蕃異牟尋從

擊功居多而吐蕃將亦多來降者虜氣衰苦唐詔犄
角亦不敢圖南詔矣元和初異牟尋死子尋閣勸立
回稱驃信夷語君也唐亦遣使弔祭冊書後以爲常
閣勸死子勸龍晟立尋爲柝棟節度使王嵯巔所殺
立其弟勸利嗣王未幾而死弟豐祐立朝貢如初然
亦稍入寇掠矣大中時安南經略使苛墨自私以斗
鹽易一牛夷人不堪結南詔將段酋遷陷安南都護
府號白衣夜命軍南詔亦發兵助之會豐祐死酋龍
立悲朝廷不弔恤遂叛稱皇帝號大禮國播邕嘉
黎眉印諸州皆陷成都大震唐以高駢爲西川節度

使擊之斬酋長五十收復諸州酋龍大懼自南詔叛唐數遣使至其國酋龍不受驛以其俗尚浮屠法故遣浮屠景仙往諭之酋龍與其下迎謁且拜乃定盟而還酋龍死子法立自號大封人遣使修好詔使者答報未幾寇西川驛奏請與和親僖宗從之乃以宗室女爲安化長公主許婚法遣其大臣趙隆眉楊奇混段義宗來迎公主驛密遣使言三人乃南詔腹心宜止而鳩之蠻可圖也帝從之隆眉等皆死自是謀臣盡矣而南詔亦漸以衰弱至朱梁時鄭回之裔有鄭買嗣者篡南詔位而自立蒙氏遂亡買嗣死子仁

旻立仁旻死國人共推其臣趙善政爲主國號興元
頃之楊于貞廢善政自立爲詔國號義寧晉天福間
通海節度使段思平復廢于貞自立爲詔國號大理
至宋太祖鑒唐之禍基於南詔乃棄越雋諸郡以大
渡河爲界熙寧時遣使貢金裝碧玕山氍毹刀劍犀
皮甲鞍轡以後遂絕至政和初廣州觀察使黃璘奏
南詔慕義請臣宜聽其入貢詔璘置局於賓州凡有
奏請皆俟進止頃之大理遣使李紫棕等來踰年至
京師貢馬三百八十匹及麝香牛黃細氍毹玕山諸
物宋拜其王段和譽爲雲南節度使上柱國大理國

王已而知桂州周種勳黃璘詐冒璘得罪自是大理復不通第間一至黎州互市而已紹興淳熙間廣西輒奏言大理入貢及售馬事詔却其貢優答其馬直不欲以虛名勞民也段氏子孫傳至興智元收附之而盡雲南之境郡縣其地仍錄段氏子孫世守之封爲總管自此九傳而總管段功立蓋當高皇帝始興時也會紅巾賊起攻雲南元宗室梁王鎮其地召段功兵大敗紅巾於是梁王感功之德以女阿榼妻之奏授雲南平章功遂戀居雲南不肯歸其大理夫人寄以樂府詞曰風捲殘雲九霄冉冉逐龍池無偶水